



NOGEH GUMBEK (empat dari kiri) melancarkan Thousand Of Edible Birdnest Products pada MAHA 2016 di Maeps, Serdang, semalam. Turut kelihatan, Ketua Setiausaha Kementerian Pertanian dan Industri Asas Tani, Datuk Seri Dr. Ismail Bakar (lima kiri) dan Presiden Persatuan Pengimport dan Pengeksport Sarang Burung, Datuk Chua Huai Gen (kiri).

Permintaan sarang burung walet negara meningkat

UTUSAN MALAYSIA
3/12/2016

Oleh **IRMAN HASHIM**

KUALA LUMPUR 2 Dis. - Kementerian Pertanian dan Industri Asas Tani mahu industri penternakan sarang burung walet meningkatkan pengeluaran bahan tersebut bagi memenuhi peningkatan permintaan di pasaran dalam dan luar negara.

Timbalan Menteri Pertanian dan Industri Asas Tani, Datuk Nogueh Gumbek berkata, kerajaan

menetapkan sasaran pengeluaran sarang burung walet mencecah nilai RM4.5 bilion menjelang 2020.

Beliau berkata, ketika ini, keseluruhan pengeluaran sarang burung walet negara adalah bernilai RM400 juta.

"Eksport keseluruhan sarang burung walet negara dalam bentuk mentah bersih pada masa ini pula adalah bernilai RM89 juta.

"Ketika ini, kementerian se-

dang aktif mempromosi sarang burung walet kepada industri hiliran dan hulu, selain menggalakkan barangan nilai tambah," katanya ketika melawat pameran produk sarang burung walet di Laman Burung Walet sempena Pameran Pertanian, Hortikultur dan Pelancongan (MAHA) 2016 di Taman Pameran Pertanian Malaysia di Serdang, Selangor dekat sini hari ini.

Nogueh berkata, kerajaan juga telah menandatangani perjanjian protokol baharu penjualan sarang burung walet bagi meningkatkan eksport bahan tersebut.

"Ketika ini, kita mengeksport 16 tan sarang burung walet dalam bentuk mentah bersih ke China.

"Perjanjian protokol baharu ini membolehkan kita mengeksport dalam bentuk mentah kasar ke negara itu dan pada masa sama meningkatkan jumlah eksport bahan ini," katanya.

Beliau berkata, ketika ini,

pengeluaran sarang burung walet terbanjak dari Perak, Kelantan dan Terengganu.



NOGEH GUMBEK (kanan) melihat proses penghasilan sarang Burung Walet pada Pameran MAHA 2016 di MAEPS, Serdang, semalam.